

يا زمن العجائب

يا زمان العجايب وش بعد مظهر
كل ماقلت هانت جد علم جديد
إن حكينا ندمنا وإن سكتنا قهر
بين قلب عطيب وبين خل عنيد
لو تفيد المدامع كان اسيل نهر
مير كثر التوجد والدمع مايفيد
اصبر ايام واشهر واتصبر دهر
وإن حصلي مناتي جيت لوني بعيد
ارجي الله وارقب كل طالع شهر
يجلي الهم عني أو عساه مايزيد
ياغزال فضوح الزين عنه اشتهر
في عيوني ملاك ووسط قلبي وحيد
مخطي اللي يشبه وجنتك بالزهر
الزهر ماله رماح تصيب وتصيد
لوجحت المحبه سقم حالي جهر
مير ماكل قلب ياصل اللي يريد

الأمير خالد الفيصل